

續修四庫全書

據清光緒十七年浙江書局
刻本影印原書版框高一
八二毫米寬二六六毫米

兩浙輶軒續錄二

〔清〕潘衍桐輯

兩浙輶軒續錄卷二十七目

朱王林	湯錫蕃	趙鉞	吳衡照	楊思敬
周凱	馬步蟾	王衍梅	陳德調	李載懋
郝蓮	趙之琛	武泣莊	蔡紹周	鍾大源
潘鴻謨	朱佩蘭	范錯	施希潤	沈惇彝
王渥	王炳業	董詔	邱慕東	徐璽
吳清皋	孫觀	趙泰	鍾鴻慶	沈元熙
俞萬逢	陳昌穀	沈正楷	鄭祖球	陳僅
王映玉	張允提	金家修	董長庚	余鈞
陳敬祉	陳含輝	韓勝良	許承露	錢廷煊
高日濬	查奕善	岳鴻振	勞鏐	陸樹蘭
俞思源	朱雷	胡世巽	朱廉洽	虞廷宣
潘希淦	牟景皋	陳培元	張璜	周中孚
周樹	高應元	張金照	楊炳堃	施錦心
王德沛	沈厚	洪震煊	李誠	王夢庚
鄭桂金	余鏗	朱寓	章柱	李士京
王懋功	姚光烈	楊榮	張襲	陳杞
吳長卿	錢時穎	朱震培	蔣開	張咸德
岳灃	胡金勝	沈榮慶	沈三秀	盛植麒
王銘	鄭衡			

兩浙輶軒續錄卷二十七目

兩浙輶軒續錄卷二十七

督學使者潘衍桐訂

朱王林原名震字禮卿號小雲平湖人嘉慶辛未會元官

縣志王林服官中外三十餘年謹操守勤職司爲同寮

所推重告歸後日讀邸抄凡屬係時事者必手錄之蓋

未嘗一日怠天下也平生自奉儉約而周濟貧乏雖多

金不吝戚族待以舉火者數十家卒之日人咸思之著

有晚學文稿八卷常湖朋舊遺

詩十卷當湖文繫二十四卷

禮元序略君弱冠登賢書遂肆力爲古今體詩通體

失估諸甥天遊舊雨湖零既仰生不惑多樂少惟南宮

領袖書執掌噓詠爲難三復斯編而三十餘年雖

合悲歡之致登臨眺覽之奇歷歷俱在紙上

乙丑首春辭家北上兼別陸莊江內弟

吾飢苦食盡吾寒愁衣單拂劍壯心動漫欲游長安低頭向

親友奔馳力亦殫囊中稍有藉便當跨征鞍不惜行者瘁還

念居者難減吾行路資聊佐減水餐揮手出門去欲語猶千

端

吾有平生友膠漆心不移相期各努力雲路同驅馳惡風忽

吹散君痛庭萱萎今當遠行過惜別重致辭暮年境蕭瑟門

戶況獨持曲體嚴親意勿使暗傷悲但看梁月落是我思君

時

文德閣

昨行焦谿山險窄懷不暢今朝境一變山山插天壯曲棧紛

鉤連危梯絕依傍前行奮先登後者從下望意謂攀躋難督

已層霄上人馬一髮懸此景極飄颻雄關踞崖巔屹立森相

向羅甸此咽喉黔滇亦屏障天門閭闔雲光鎮摩盪會當

躡飛仙振衣發高唱

中宿峽

帝子昔采竹遠游茲棲邀芙蓉對面青白雲飛不盡喬松經
千霜蟠株覆眉巖猿磴風中開鶴巢煙際隱瑋琬一斛珠天
半瀉虛北迅波走不停混涵接海屋到此始一束造化巧樞
鍵山空樵響答日落舫聲緊望望飛來寺庵靄松門晚

上灘謠

何人拋彈澄江中千堆萬堆灘石重截水與水爭抵捍噴薄
寒玉雷殷空輕舟逆流溯灘上進寸退尺難爲功刺篙越女
氣力薄汗珠亂迸桃花紅溯東山川信清美只有灘聲愁邇
地驚湍十里九停橈到處人心不平似昨誇下灘放溜輕今
日來舟亦窮矣君不見天公不雨谿縮流石面祇餘一尺水

舟中書懷

鄉近翻愁遠張帆向夕征荒汀孤雁下獨樹亂雅爭見月渺

兩浙輶軒續錄

卷二十七

湯錫蕃

二

×××

離思繙書多古情寸心將母切何計慰歸耕

奉

命典試滇南出都書懷二首 錄一

人海浮沈已十年飄蕭短鬢笑華顛劇憐噓植由

天意便許乘槎到日邊萬里雲山迎使節三冬燈火憶寒菹

碧雞金馬鍾英地要取驚才絕艷篇

湯錫蕃

字書人仁和人嘉慶辛未
進士官翰林院庶吉士
杭郡詩續輯書人書法爲
梁山舟學士所賞以妹妻之

遣興

賢愚天壤隔厥心同好名偶來區蓋閒靜聽月旦評鄙夫一

長取揚揚意氣盈人或怪器小我謂適得平螻蟻獲蜻蛉私

喜膺大烹奈何對螻蟻而繩以人情

爰居止東門亭之用性憤肉乾已多時未具食肉腹異數日
以加生機日以蹙不如歸海天長自隸羽族乃知身世交前
定猶飲啄可怪斗筭人爭食僅雞鶩獨有非分想魂夢時眈
逐奇逢便倘來看君消受福

扁舟涉大川瞬息通萬里今茲傍牖行習坎頻也邇兩牖相
去交其長尺有咫一闔俄一闔堅絕勝壁壘如聞鷓鴣嘯頓
覺歸心死行遲不敢嫌但嫌行且止遲者有時至止者長已
矣持語會心人舟行尙如此

鐵畫歌限十五咸韻

唐吳道子畫中聖使筆如鐵超塵凡此能百鍊化繞指聚六
州以供鐫劉想當柳陰坐鼓棹心有所感由至誠赫然太一
下臨眎丁甲欲攝神明監或爲野平遠或作山嶺岳或摹沉

兩浙輶軒續錄

卷二十七

湯錫蕃

三

×××

蘭或湘竹風枝露葉交相銜森森寫叢薄貌出枯柏兼松杉
鏘鏘狀飛走飛者騰鶻走者麋麋麋煙青煙白察火候出治
幅幅皆空嵌紗籠紙拓影通透懸玉堂地清而嚴亦如開元
普門壁但容瞻仰難封緘豈無珠貫與繡錯隨彼女手拈摻
摻寶刀按便屈成鏡頑石叱可張爲帆何須皺染禍緣素未
要鏤刻稱珉珉城洪烈徵挺凸角寄語羣蠹休貪饒吁嗟良
金失良冶致範炊金模耕鑠質黔厚烹爨鋒鏘勞鋤芟金精
埋冤訴眞宰黑帝魂遣招巫咸圍之以大瀛積之于叢巖膏
塗更錫拭穎出姿嶢嶢神奇變朽腐功仗火一杵其間月鍛
復旬鍊匠巧不許他人攬別開生面異白戰從舊樣外翻新
函毛錐何如鐵錐利轉覺畫錄畫譜言徒僂使磨礱展側
理兔定掃禿中山髯祇愁造物忌能事樂以取口終遭譴不

見前朝戴文進釣魚師偶緋其衫火攻固是守下策嗜與眾
史殊酸醖詩成待質願加點錚錚細響慙貼誦

趙鉞原名泰沂號雲門仁和人嘉慶

東軒吟社圖傳略雲門知州知學於蘇洛關閩之書尤
政優其與嶺通籍後以庶吉士改官縣令積階州守爲
亦奇以理法失一嚴明意者晚年遁于禪學富收
藏歿之前以明故課作鮮當意者贈謝某意恐珍物流
落俗手或失所主亦達矣哉著有

黃薌泉士珣屬題其仲父蔭人先生秋江采魚圖

爲感池塘夢因留翰墨緣百年文獻合一卷畫圖傳得失本
無定子孫誰象賢舊家池館在多少付雲煙

吳衡照字夏治號子律仁和人海甯籍嘉慶

諸可寶傳略君中年通籍當就縣令自以不耐煩劇請
改校官可以知其心之閒澹矣善詩文尤工填詞所著

兩浙輶軒續錄卷二十七 趙鉞 吳衡照

蓮子居詞話擊索宗旨區別名體非汎事鈔撮者
所得同日而語也又有辛卯生詩四卷刊傳于世
吳應和序略辛卯生詩四卷純古清剛之氣如其爲人
成進士後講選得金華教授坐萬山中日手一編消磨
壯志絕去標榜結納之習世事紛華仕途顯赫都不住
胡惟盡心於文字間以就必傳之業其志可謂篤矣
明故曰古詩有懷淡亦有濃疎亦有謹嚴亦有變化近體
出入唐宋宋步武從容因題而施不拘一格亦足爲
國朝六家

擬唐人觀獵

鼓角鳴高臺千山人面開溼雲盤馬過斜日按鵬迴宇宙休
戎事功名老霸才將軍非好武乘興幾回來

鐵忠定公祠

刀頭血肉見高皇白髮羈囚淚萬行下版奇謀聊底柱中原
急難屬封疆凶人隧道增鳴咽列宿緋衣並慨慷勒馬明湖
祠畔路離華山色莽蒼蒼

萬松嶺雙節墳

嘉慶元年春有客云是直隸之村民夫姓崔婦姓陳夫挈婦
來覓親覓親親不見他鄉各異縣路窮窮殺人日夕淚洗面
婦語夫計安出路迢迢歸笑日賤妾與君共舖糜糜不可得
君奈何君無奈何妾則那夫聞婦語哽咽心脾糜不可得且
忍飢道旁聞者咸歎歎道旁人相謂何乃苦憂煎守石田不
如逐彈丸五雜組顏色鮮往復還非少年不得已姑從權與
其餓且死孰若夫婦謀兩全逆旅走相告道旁人云然夫聞
走告婦逆旅有此言非是逆旅言道旁人云然婦聞仰頭答
君言胡出斯結襦爲夫婦所願長相依何圖不共保身賤理
不微逆旅焉知其計非嫁犬隨走嫁雞隨飛甘爲蝴蝶瘦莫
效鴛鴦肥成事有翻覆立心無轉移妾自入君門生死爲君

兩浙輶軒續錄卷二十七 吳衡照

五

妻生則隨君行死還攜骨歸君今善自愛勿復念妾爲夫聞
再拜跪卿言胡出斯始我出門日約爾與南來爾意本不欲
強爾與我偕石田乏秋亦云孔哀彈丸盈掬子懷之悲當歸
既成錯獨活將向誰地下黃泉容爾我生同命苦死同糞夫
婦兩側側信誓各無違哭聲夜半寂雙挂連理枝逆旅曉排
闥赫然驚兩屍人閒有節義惟此兩屍知逆旅都歎息道旁
聞者咸歎歎湖水清清江水渾南山山麓棲羈魂自古匹夫
匹婦守死志不奪道在詎以尋常論君不見萬松嶺乃有雙
縊墳夫姓崔婦姓陳

遊南山尋煙霞石屋水樂諸洞

一洞豁然敞一洞窈然曲愁猿不敢嘯倒挂白蝙蝠日色秋
蒼涼餘映散巖谷混沌鑿不死妙手剗其腹中空嵌玲瓏亂

點莓苔綠我來白雲飛我去白雲宿一我一白雲都在石佛
呂南山勝絕處煙霞與石屋一洞泉涓涓遺聲聽水樂

莊芝階席上詠竹筴

斷竹復續竹通水妙用覓我行入山中清泉正迤行絕似禾
瀉地好在肉貫弗奚翅符半剖橫陳界翠巘銜尾接奔赴剗
節縱流轉迴合曲門筍眉折迭導竅吞納既汨汨疏引但宛
宛俯注承以仰近給供自遠初疑內外蛇鬥罷互息偃豈意
調水法盡頭各彌滿智笑輓轡拙力患枯槁短晝夜響不停
天機信非淺鈞連灌庖溜恰稱高僧媚儼然變作酒便當碧
筒卷

送查南虛世官偕孫古雲襲伯均入都

吳越祠邊橘柚紅送君畫舫日瞳矓周瑜顧曲年少少陸抗
兩浙軒軒續錄卷二十七 吳衡照 六

談兵氣獨雄簫管調鸚香稻粒綺紈走馬玉花驄通侯愛客
從來事況復籌邊檄最工

伏蕩湖山不計年詩人蓬轉例遊燕狂歌座上眞名士爛醉
人間小謫仙芍藥凝香風暖地葡萄釀乳月明天溫家老母
秦家婦燈火金闌思惘然

同人分題武林古蹟得柳洲張子野舊廬

詩人老去笑顛狂燕燕鶯鶯鎮日忙三影無雙才調美一時
有雨姓名香坡公翰墨眞藍本功甫園林舊草堂試望柳洲
隄畔路沿城秋色正蒼蒼

殘梅

冷傍溪橋瘦傍門霏霏半樹淡孤村仙人夢綠遺珠佩倩女
昏黃褪粉痕餘韻任憑風作主暗香留與月勾魂莫教吹徹

江城笛便逐梨花撲酒樽

雨中集汪小米 遠孫 半潭秋水一房山觀瀑

萬雨排檐急如弩水氣四壁作龍舞回頭笑看房中山山功
流水鳴潺潺一卷閣畔橫年深推不去吾曹合與山有素坐
對飛泉潌座虛瑤池噴落蒼苔鮮暗從山脊經山巔雪花亂
跳白沫乳雲氣倒垂青冥天錯疑幽澗入城走未秋先訝銀
河懸東海道人狂欲仙腳踏兩枝枯樹邊玉壺買醉枕石眠
誦罷廬山謠夢作廬山行廬山仙人不可見石門寒吹遙琮
琤何當結屋林霏處來聽風聲雜雨聲

楊思敬 原名楊謙字揚華號存之海甯人嘉慶辛
未進士官福建安溪知縣著纂雅齋集

兩浙軒軒續錄卷二十七 楊思敬 七
松雲陽湖孫潤如秀水沈帶湖諸先生皆極賞識客京
師與張船山吳山尊兩先生往還唱和尤多迨咸進士
凡七年道光壬午冬歸逾月而卒

曉經太湖
夜談五湖奇殘夢墮雲水七十二山靈夢中呼我起湖平月
稍落極望波瀾瀾人語寒蘆間中有漁舟艤長煙迷白鷗平
林沒青齊俄頃朝陽升萬象歸眼底修蛾翠若掃匹練淨於
洗不知遠峯外湖光復幾里豈無濟勝具坐惜孤帆駛一舸
儻浮家發興自茲始

感事

淮黃巨汎畏逢秋壁馬頻煩祝史投自古防川無上策本來
歸海有經流
聖明豈惜捐金費兒戲身爲捧土謀羨喜哀鴻幸無恙徒薪

先解避陽侯

蠻鄉

誰道蠻鄉作宦非
娛人風土欲忘歸
終年草樹無黃落
到處軒窗有翠微
民狎犂鋤爲客少
吏疏刀筆在官稀
敢將臥理矜高尚
暇日鳴琴試一揮

從軍行

匹馬度陰山
黃沙一望開
陣雲低壓帳
邊月迴臨關
擊鼓消春色
烽塵損壯顏
深聞知報國
未敢唱刀環

鵝萬峯庵

幡影香臺畔
蕭然晝掩關
客依幽鳥坐
僧帶野雲還
一徑入紅樹
半窗橫碧山
平生清絕意
喜得暫時閒

晚晴散步湖上

兩浙輶軒續錄

卷二十七

周凱

八

名川十

湖光洗出碧玻璃
遊屐微沾雨後泥
斜照忽明孤塔杪
落霞都在亂峯西
一林晚磬煙藏寺
十里秋荷水拍堤
乘興卻忘歸路賸
步隨漁火度前溪

周凱

字仲禮號芸皋富陽人嘉慶辛未進士

家傳略芸皋學問淵雅居詞苑者十年師事董文恭公
習山水與李曉桐袁少迂討論深得畫家三昧出守襄陽
桑榆復高陽池以教民購設各屬義塾以維風俗勤民
種桑飼蠶以詩爲教尤屬治還漢黃德道著疏濬義
水內外二河故道及黃州應疏河道二議廉訪工役實
吳德旋序略芸皋嘗受經于張編修阜文而得其傳至
分巡閩海交高舍人兩農而文日進出入君之承叔子
南開
固熙
考墓堂詩話余覽內自訟齋文鈔所載明監國魯王墓
王手書漢影雲根圖宇並從心諸臣題詠樹碑作記以
永其事此文之有闕掌故者芸皋詩集未見茲從高陽
池修葺圖得
詩一首錄之

高陽池落成修禊詩

我本山陰客今作襄陽守上已逢佳辰高會集舊況復高
陽池池館開林岫桃栽蔕蔕柳補張君瘦綠池多芙蓉柔
蕙及春透山花紅欲然水綠波生嫩曾讀雍州記修禊此其
候告我諸父老當以樽酒酌我初謀濬池畝畝旱潦救東西
利溝渠上下置淤溜去年刈新稻酒味釀清厚今年植新麥
隴首鋪綺繡俯觀儵魚泳遠聆馴雉雖迴顧亭與臺劉子愛
結構香揭一載餘子來若恐後江山足眺覽未期期殷富靈
境仍自然游賞勝勝園諸君今達官獨樂古所陋曷不賦詩
新名與此池壽蘭亭亦已矣山公不可又廢典會有時且共
娛清晝日暮厭賓散惠風吹衣袖

馬步蟾

字廣周號漁山會稽人嘉慶辛未進士官安徽徽州知府

兩浙輶軒續錄

卷二十七

九

名川十

孫德祖傳略先生始爲諸生課藝山書院累居高等念
地爲劉忠介諱人講社故址不當以文藝名由是潛心
理學制行一以儒先爲歸及以翰林入御史臺即疏請
劉子從祀兩廡其後福建以石齋黃子請河南以新吾
俞旨寔自先生發之先生幼嗜書得香光筆法成童即以書
名不肖仲角及見先生父坐右張先生楷帖嘗舉示小
子爲言先生生史館應
詔寫經特荷
仁宗睿皇帝嘉慶庚寅生山東試用三品以上官先生以
特簡異數也
宣宗成皇帝御極奉
命恭書
七廟神牌拜白金文籍之
賜蓋吾鄉以善書齊
懋賞者先生
爲最云
次石友親家載生歌元韻
本事詳杜徵
君題注
郎君富文史宜作龍門客先生聽天香足以娛旦夕飛觥恣
歌呼麴蘖亦可溺胡爲詩興狂騎鯨尋李白河伯老解事聞

輩餓骨甘爲西土蕝缺甌又報南都碎中丞別墅鑑湖濱負
負頻呼亡國臣豈意方塘一勺水照還天地照君親紗帽緋
袍秀眉異年少依然舊司李可惜袁瑰壻馬家枉招梅福居
吳市若使蕭何轉餉回小朝司馬相公來大權訓注應歸削
私費甘凌敢鬪才漏舟焚屋眞堪笑一死心明祁掌道朱鳥
人號劉念臺黃金賊拜倪鴻寶玉女金童俎豆香瑤臺十二
水中央江城五月誰吹笛惱亂梅花鐵石腸

陽湖感懷稗存師

毘陵驛口柳青青重過師門涕淚零萬里風花人荷戟一山
春草鬼尊經閉門白續遠陽志伏關訛傳座右銘腸斷彭宣
今白髮後堂絲竹不堪聽

平樂譚侯于鳳山之麓建朱吳二忠祠屬余作碑紀詩

兩浙輶軒續錄

卷二十七

王衍梅

主

又三

四首

地爲宋五賢祠故基

元戎折檻漢庭朱都聞延陵上國吳握印老拳猶透爪街刀
熱血不濺須邊關近報妖星落破冢宵聞鐵騎趨手拓河陽
花滿縣丹臺碧樹照城隅

珮戈南下掃鯨鯢秦棧高懸咽鼓聲殺氣雲纏龍虎北歸魂
月叫鳳凰西狼蹕赴敵眞強敢長叔違天稍執迷張許卽今
同廟食惜無大筆借昌黎

蕭條異代恰同時一體忠魂俎豆垂羊杜風流餘涕淚鄂襄
酣戰想英姿人哀黃鳥田橫島鬼哭青燐余闕祠畫壁弓刀
看自動堂堂浩氣激須眉

名賢遺趾百弓寬片石堪尋古井闌落日發聲迴楚峽清秋
螢火點蕭灘銀河正洗天山甲玉壘初辭漢將壇已平西城老

我方依平樂監高歌鏡吹定樓蘭用傳介子事

二月將盡中宵風雨尙聞雁聲感而有作

蚤見前村雙燕飛汝今何事尙依違不應水際蘆花盡飄泊
江關竟未歸

一曲琵琶怨淚零弟兄都去短長亭可堪暮雨蕭蕭夜獨抱
青琴枕上聽

曉起聞鶯

幽人起常蚤步履向前楹翠竹數百個黃鸝三兩聲茶煙逢
石慢衣露入花清坐愛謫僊句愴然聞鳳笙

病後雜詩

方病無病容病後腰腳輒意行咫尺地疑有千里遠階前折
瓶花拂憂氣先喘退息綠蘿陰間凭蒼石薜延緣歸臥榻瑟

兩浙輶軒續錄

卷二十七

王衍梅

主

又三

縮蠶裏爾中空思舖敵到口乃憎飯春風吹簾帷時見晴絲
卷妙哉造化心與我共流轉誰貽特健藥還理故書本

秋懷

生涯安穩是清貧逆旅蕭條愧此身多病自然思返里窮途
不合久依人虞翻體骨終難媚陶令詩篇只在眞閒倚山窗
看秋色一番風雨一番新

己丑秋寓昭州之珠璣巷主人蕭姓庭有黃皮果一樹
坡公詩野果名黃子此其是已題曰黃果山房

黃星錯落碧雲高野果垂垂結屋牢病客猶能賦梨樹主人
不用伐櫻桃西天眼試支郎慧南海珠傾石尉豪待與坡仙
廣詩品安排紅荔闌分曹明詩綜載廣州詩餽食荔支飽食亦庶幾之干樓挑矣

亞聖廟天震井恭紀 并序

古傳三氏井孔母井在尼山顏子井在陋巷獨孟井無聞康熙壬子不雨而震殿前地陷井出或古寔有之是未可攷要之百世之澤存乎其間可仰止也

大哉三井孔孟顏陋巷一派宗尼山此井得之二千載于象爲震天所頒自從衰周更列國處士橫議爭叩關闢翻恃此三寸舌敢于大道相譏訕天生名世必有用昌明聖教躬轍環七篇作述光俎豆木鐸可以興貪頑至今門牆照鄒魯施設規矧窮婁婁般小子南來最樸鄙下車趨拜禮所嫻升堂仰瞻日月角冕旒旒秀發珠嬰鬢三遷母訓寔姻嗣一位公爵仍周班古碑高立秦漢上大樹遠自春秋還縱皮中開科斗出藤筋上走蛟龍攀殿前一井橫鉤闕赤文綠字落剗斑摩挲兩浙輶軒續錄 卷二十七 王衍梅 古

巨觴攷厥始始知神力開幽潺青天無雲出古異平地火孽雷霆殷須臾直下幾千仞空濶大可容車轍爾時聖裔刻之石我明其義非險艱聖人功不在禹下膺懲耶辟同荊蠻異端爲害甚洪水決排而後加防閑狂瀾力迴障百世浩氣善養充兩閒此井淵源本洙泗遺澤所在長漩覆泰山巖巖對道貌驅除井怪恬神姦江淮河海悉來會化作時雨周塵寰寓中坐雨

節候驚蕭瑟江關歎滯淫殘鐙搖客夢苦雨逼秋心繡蝕青銅劍香銷綠綺琴牛衣都在篋何處急寒砧

阻水

小駟愁掀淖長髯數問津雨溪河在路鞭急馬看人雞酒論前事枌榆輿近鄰狂瀾隨地有俯仰一酸辛

感懷

北望燕臺壯志連長歌一曲鶴南飛尊前遮莫無青眼篋裏公然尙素衣松菊田園容我住滄桑情態幾人非行囊賴是黃金少欠買三分白髮歸

病餘短髮欲星星趙瑟秦箏不忍聽大野火雲千樹赤小樓江雨一燈青感懷人物思河朔極目山川壯性靈幾度停鞭莫惆悵茫今古祇浮萍

鞭絲搖曳對斜曛風景蒼涼路不分拔劍嬾吟窮鳥賦挑燈私艸辟蝗文一天夜色昏如霧萬里河流響入雲歸去尙餘豪氣在且欣歌哭有同羣 謂二堂

欲焚筆研重裘哀常恐庸流笑不才十載文章三黜柳半生心迹一枝梅未容綠雪名 子堂 垂垂老難免紅塵得來枕上兩浙輶軒續錄 卷二十七 王衍梅 孟

邯鄲留夢去不須雞唱苦相催

小樓望桂林諸山作歌

萬山合沓東南傾勢若渡海奔長鯨東嶺已伏西爪起蠹蟲劍戟森枝撐山頭盡作波浪狀半由海氣所鼓成巨鼇昂背鰐鋸齒瑣細蠹蚌紛角爭氣所不滿穴孔出日光穿漏開天晶亦如人身有藏府蟻缺百弊叢而生要其變幻不可測就后論后非聰明試登桂嶺最高處一覽可以吞滄瀛我居小樓至迫偏乃在桂嶺東頭城獨秀一峯枕屋脊四周嵐翠相交并金支翠蕤卓天半雲旗閃爍羣僊迎羅浮左股鎮在下浩浩平地天雞鳴天寒地坼雷電凍不然聽作嬰兒聲重灘隔絕三百六飛臂欲掉猿狖輕靖濤珠殿宿狐兔顏延之臺亦久平世閒何處非海市目所飽涉了不驚倚花踞石作冥

想以我自適爲元精新羅一息八十返包舉泰華聯嵩衡天
窮人厄兩不與余方萬里朝

帝京安得胷中雲夢一吐出化作蠻荒時雨蘇春耕時方冬旱

宿睢陽張中丞祠祠方落成題壁四首錄一

須髯奕奕齒疎疎想見登臺殺賊初百戰關河終不失兩家
子弟果何如每於架上披唐傳重向鐙前讀漢書今日蠻荒
瞻廟貌風雲猶自繞淮徐

竹坪翁有詩送余北上依韻奉和卽以道別

一編雞棲賦載馳病餘王式悵歌驪空存馬骨嗟何用重畫
蛾眉恐未宜紅裏熏香非宿昔黃梁炊夢已多時參差莫笑
高陽侶曾有風流在習池

松圃先生惠晚菊一盆賦謝

兩浙輶軒續錄卷二十七 王衍梅

七

千紅萬紫集頤堂頤堂二字宋太宗御書一種嬌黃占晚香老圃人如

周柱史殘年花亦魯靈光來從脩竹珊窗底小珊窗留伴疎梅

紙帳有見說此名延壽客故應分我起膏肓

絕句

鐵甲波殘鴨脚葵酪酥肥大配鸛鴒病夫第一開脾事飽看
船人健飯時

松圃翁贈晚菊尙豔鍾生送春蘭已花姜秀才致紅梅

水僊盛開寓中山茶亦紅白齊放園丁復購得細梅

兩盆掩映階砌元旦傳坐飯罷詩以賞之

草堂不用赤靈符微霰難銷病客須未免有情思鏡聽卻嫌
無力飲屠蘇綵纓稚子儀加蕭花朵荆妻貌忽姝蘭菊茶梅
紛滿眼誰來寫我歲朝圖

正月二日答秋槎除夕見懷

五十四年同一夕恩恩過去無還日惟有年年除夕詩帶酒
燒之灰不滅去年冷坐梅公亭三更唳鶴無人聽今年卻返
皆洲權斗酒隻雞窮祭竈故人秩滿河陽回上官署尾稱奇
才椒盤影裏樞馬動意氣直拂黃金臺作詩遺我歌莫哀我
歌一聲花四開左顧淵明菊右揖和靖梅水僊起舞翠裏亂
杜蘭萼綠紛紛相陪海紅美人朱兩顰含笑手進葡萄醅黃雞
一曲玲瓏催君今不醉何爲哉想見高齋燼燭竝孺人稚子
團圓飲二分絃索短牆空用君舊句收拾奚奴百囊錦春風三日
楊柳天濛濛細雨飛瓊筵綠波青似詩人眼看載繁花上畫
船時余將挈眷上桂林

戲詠舟中食物

兩浙輶軒續錄卷二十七 王衍梅

七

繡羽花冠乍養胎撒鹽拋水著燐燬百枚奚止千金直曾獻

臺城老佛來雞子

一甌嫩綠滑蕤絲正是桃花淨盡時解道閭閻無此色總緣

滋味長官知菜蕪

舟中漫興

一首新詩一曲離用邵僧施事愛看春水獨凭闌遠遊不改靈均
服小樣偏裁子夏冠瓶裏落花無螳劫舵邊遺粒有魚餐誰
能攜得驚人句囑向青天起鳳鸞

雨夜讀青蓮集

窗竹蕭蕭風滿門黃河東走落昆侖煙雲本自無心出花月
何曾有意存慷慨半生游俠氣逍遙千載酒人魂夜郎道上
行吟去淚灑英雄善報恩

旅齋閒興

有鳥名訓狐日夕屋角泣家人顧余病况用方書術彼禽則何知氣至自鳴息春風吹簾幃綠草飛蝴蝶小婢午飯餘邀事有喜色拾粒散林雅嬉戲亦其德

雜詠

呼龍耕瑤草未必成神仙云胡射利者乃驅鴉種煙雞鳴偷度關勝獲珍珠船根苗始呂宋枝葉紛蔓延鉤人若露商墜人甚飛爲吾黨有小子無端染熏羶如入鮑魚肆久之變蘭荃唇垂碧藿背膊聳鸛鷗肩徧求白獺髓枉吐饞蛟涎偶聽與人誦得之駟僮傳是名倭芙蓉鸞粟花紅鮮洋狙具五毒紫苞爛田田河車九蒸曬九泥百陶甄解之匪獲苓仍用罌殼煎虛全七槐茶兩腋風飈然皿蟲雖盡殺木腐骨不堅寄

兩浙輶軒續錄

卷二十七

陳德調

六

又

語執袴兒慎旃向慎旃非鴆能毒人自毒何尤天

善哉解溪翁不錄疑兩集謂其詞訓淫青衿易惑溺隨園喜俳諧操戈與墨詰長蘆綜明詩次回亦選入我觀曳風懷粉黛恣塗澤玉溪詠錦瑟何必搜故實笑彼詭癡符瑣瑣加賤釋俞國文同郭注莊義取蔡繩息目被前人瞞心緣邪思結盡交鄭衛詩忽起膏肓疾

陳德調

字鼎梅義烏人嘉慶辛未進士官衢州府教授著存悔堂詩草

雜詩

物生天地閒致用各有適鼈牛逐狡兔不若韓盧疾插花用樊圃何如樹荆棘鵬搏九萬里鶴鷄一枝給人人盡羨皋誰爲事耕穡
騏驥伏櫪時驚駘笑其側及其遭伯樂賦粟日一石被以錦

障泥絡首黃金勒將軍未出門風雲已超忽生歷萬里程死亦千金骨

桔槔歌

圖其軸方其腹轉以機運以足鳥鵲銜尾聲喚呶渴龍倒吸銀玻璃鹿盧得勢轉逾疾輒輪欲飛水直立上田下田膏澤平隴頭咯咯田雞鳴田水乾桔槔起一斛靈泉一斛米禾稻收桔槔歇農夫之慶我無力是何丈人漢之陰自謂抱甕忘機心豈知聖人制器利萬世大巧原非任私智陸任車牛水造舟結繩治窮必書契抱甕人將何濟

湯雨生懷僧圖

留衣贈帶自何年久隔音塵亦悄然空向馬蹏拋歲月那從鴻爪覓因緣金繩羨爾修生佛玉局慚余學散仙一十九家兩浙輶軒續錄

卷二十七

李載懋

九

又

雲水闊寄懷無地託毫顛

七夕

李載懋字惟修號慎堂永康人嘉慶辛未進士

盈盈一水作重關鳥鵲橋成可往還今夜人間羨牛女來宵牛女羨人間

郝

字青門號飯山錢塘人著說餅齋吟草

杭郡詩三載飯山工六法山水人物並極精妙尤長于琴別著飯山雜錄與德清房琴甫楚桐同里俞尊香士槐張蔚莊依仁相友善

何與

何與秋風事青霜入鏡飛泥塗蚯蚓笑雨雪鳳凰饑歌竟看長銹年來惜布衣江湖空自闔懷抱向人違有感

秋水芙蓉劍空山霹靂琴百年知己淚一夕故人心明月關河遠相思風雨深高臺自今古結客在黃金

塞下四首

帝闕遙頒白虎符嫖姚千騎出飛狐譚兵夜帳揮如意躍馬秋原撚僕姑塞上胭脂俱屬漢江中波浪欲吞吳燒痕不盡檳榔樹畫出西風百戰圖

自古乾坤幾戰爭長安真可作棋枰渡河虎旅風吹馬破敵龍沙雪洗兵誓並山川同賜券功崇劍履不稱名萬方事定銷金甲乞與平田買犢耕

旗亭醉月夜徘徊誰識歸休漢將材一任浪傳諸葛死翻驚單騎令公來雲屯絕域銅標在風掃狂氛玉帳開此日尚留青海箭無人夜過李陵臺

兩浙輶軒續錄

卷二十七

趙之琛

武泚莊

秋風颯颯大星危餘孽還驚上將旗戰士早期尸裏革人生死幸豹留皮雲臺刀劍須眉壯錦里祠堂草木悲獨有杜陵湖海客掉頭殘照讀新碑

趙之琛

字獻甫號次

杭郡詩三輯次開出秋堂之門嗜金石文字為阮文達

好事者積古齋鐘鼎款識刻印神似曼生集浙派之大成石草蟲致極生動晚慕禪悅青豆赤華輒留翰墨丁酉端月偕章次白過孝慈庵用偃亭禪師夜過半畝

居詩韻呈青雨上人

落日照城陰煙樹覆茅屋阿師坐高堂焚香愜幽獨清興發清吟散筆寫散木几案淨無塵胸懷虛若谷我來避諠囂對此稱快足莫嫌半畝寬世界藏一粟

武泚莊

字雙生仁和人候選州同著別吟仙館詩草

送蘇印人旋杭

送子回南去秋風正授衣青山隨路遠黃葉帶霜飛別酒愁堪把家書醉懶揮江鄉莚正滑恨不與同歸

蔡紹周

字步瀛號藕船仁和人著怪吟雜錄

杭郡詩三輯藕船潛于榮利好栽花飲酒初居江干蓬萊回之厄著述盡燬後居東城嘆歌自得所刊怪吟雜錄二卷皆滑稽家言

春日同人過山舫看新綠小顛燒筍餉客紀之以詩

春雨初收氣轉溫晴沙踴盡見籬門石邊煙裊山廚碧戶外雲歸竹閣昏大好詩人參玉版何妨佛子倒金樽為看新綠題新句結夏來尋舊墨痕

鍾大源

字晴初號鶴翁海甯人著阮元序略鍾生若溪幼籍華資壯抱沈疴其遇益道其志彌厲彥威半丁歎此才之不易故生七險惜有衡而

兩浙輶軒續錄

卷二十七

蔡紹周鍾大源

三

莫

查振序略著溪武亭妙裔記室名家江文通大是恨人李長吉居然才子歌以當泣窮乃工詩語其位置在松

陵倡和之間相彼體茂乃都官清麗之格因寓庭序詩窮翁先生海昌詩人抱不羈才未獲世用不問得失詩弟子之請益請業者就牀頭口授之傳門既廣名噪一時薦紳才士聞聲何舉數百里外詩筒冰往不絕

吳衡照曰時初詩工整圍帳在香山松陵之間西漢定陶其王陵鼎歌漢家孝惠踐炎祚封地既削聞梁王隆準子孫就藩位惟恢實始膺雄疆詔諸郡國立高廟俾奉尊卣歆丞嘗定陶之鼎亦其一穆象二八銘都倉陵草沒井火熄舊物淪落無何鄉僅從博古認款識鐵官鼓鞠空精良今茲古鼎製殊樸範

自何代來何方通高七寸器殺半蓋疑孟覆形圓鑑三環列
非一峯卓兩耳峙並三足強雷紋篆帶品莫定六夔三犧名
難詳西漢陶陵字可辨供廚好時應相當中丞好古識精審
遷父南仲均慚惶定爲共王陵祭器扶風共祀逾千霜未入
宣和舊圖錄形質一一煩衡量累黍相差篆畫別知非初載
升馨香共王諡同名則否孝哀往事殊難忘傳氏昭儀後宮
最誕毓龍種看騰驤三驪舊國藉屏翰維城誼篤爲非恆常況
復承華嗣主鬯材藝素負夙德彰身嗣前星表環極子承景
祚誇當陽推親典並顯尊重報功事與追遠長想見順時潔
案盛斯鼎長奉園陵旁獨遭新莽覆公餽太阿倒握權勢張
奏貶尊號及帝母天家骨肉情殊傷竊懷璽綬事烏有矣以
私怨憑黃腸穿堊竟忍遺謁者發邱恍已添中郎金盃煙銷

南浙輞軒續錄

卷二十七

鍾大源

三

鍾大源

土斑駁寶衣火化雲蒼涼休訝魚燈照夜密空憐燕影銜泥
怙高冢崩隕百物毀眯眼惟歎荆榛荒流傳此鼎獨堅好不
隨劫後歸蒼茫憂等周家虎犖度珍同虞氏雖敦藏莫問鄭
邢暨姪嬪漫稱雕豆兼玉觴所惜銘辭異器蓋雄鷲仿佛離
雌鴛何當更覓吉金偶珠聯璧合增輝煌生砂活碧敢褻視
西京法物留滄桑總然得一亦已足寶氣上燭浮雲光絕勝
紛陰裡祀畢長淪葬器波湯湯

雪樵素山晴巖讀黃九煙唐詩快有詩索和

忽擊唾壺碎殘編曠代餘古今才有數天地意何如浩劫青
山老伴狂白髮疏蒼茫懷略似九煙晚攪卷亦歛歛
萬丈光芒在千秋筆墨靈高歌中夜發醉眼霎時醒杳渺成
連曲蒼涼屈子經遺音最相類吾輩不堪聽

汪義婦殉夫詩

婦德古有四矢節已足重矧殉所天難義烈益驚眾嗟汪
氏婦救夫事堪痛大廈遇吳回舉室紛逃聞夫病椎牀呼欲
速不得縱婦已冒炎出回顧迺號慟夫危脫不拯雖生復奚
用返身向烈炬恨不駕飛鞚豈知祝融威似驅人入甕詰詰
出出中焦燭兩人共骨朽聲名香見者爲心恫千秋共伯姬
庶幾堪伯仲

讀宋史雜詠十二首

點檢威聲已自隆黃袍忽著太恩恩欲知禪祚分明意詔紙
原來出袖中

忠孝涪王繼統才遞膺神器孰嫌猜可憐三晉旋師日富貴
何曾共保來

南浙輞軒續錄

卷二十七

鍾大源

三

鍾大源

決策澶州仰寇公竟憑孤注息兵戎後來三黜如償博未有
庸人不忌功

西祀東封計本慈茂陵遺稿信無慚平生解笑王文正博得
君恩酒一甌

虛名曲學枉紛譏汴宋基圖已暗搖說與臨川王撈相不徒
苛法在青苗

洛蜀名賢品軼倫一時慕義有安民憑誰再訂元符籍子厚
何顏列黨人

上清宮殿接天都璧月珠星協瑞圖聞道君親受錄不知
可有辟兵符

關中轉戰捷熊羆題柱雄心未可疑畢竟魏公緣底事不教
長卓曲端旗

三字爰書慘不平大功一旦壞垂成山河帝自安牛角那得窮荒馬角生

冷笑平原策未良偏安事業總荒唐貽羞聊勝秦長脚奉幣年年益寇糧

懊惱平章買八哥謀人家國竟如何半閒堂畔秋風早蟋蟀聲中鐵騎多

海天風雨蟄龍愁趙氏山河付一舟太息文山文信國空餘正氣耿千秋

邑廟災 悲鄉愚佞佛也

自來邑廟非禪宗生民保障資神功黃冠欲併衲衣利謂佛感應神原同人能神前大念佛更當佑爾福爾躬鄉愚深信入骨髓每月六日來憧憧典衣質釧亦不惜香儀謹貯筠籃

兩浙輶軒續錄 卷二十七

鍾大源

五

又三十一

中麥稈用代珠百八手輪口誦明虔恭黃冠嬉笑日膜拜收錢拔燭何恩恩尼姑酒姥託親串拉邀酣飲開房櫳腥羶既飫慾壑滿與博徒博稱豪雄壬子正月之六日一年念佛期初逢人如山海作鼎沸男婦老幼兼孩童南護之聲喧未已雲房東角俄燼燼黃冠驚叫火大作萬人逃命嗟倥偬爭先覓路昧向背閉門惡少何頑凶拔簪攫履忿攘奪可憐科跣兼蓬鬆以人擠人足踐足腰膝腹背相揪攻力衰仆地起不得二十餘命魂隨風死生片刻等夢寐人散方訝屍橫從是時火息念佛止但有號哭問蒼穹子認母兮夫認婦婦悲姑兮兒悲翁昇歸草促就埋斂陰風颼颼愁雲濃嗚呼死者豈有罪惑於邪說成牢籠賈禍適以乞福故爭如安坐隨窮通獲善果在誦佛號呼天亦得登天宮逝者不作後可鑒願事

紡織勤耕農慎毋認作大解脫猶然念佛甘昏蒙黃冠惡少厥罪匹辜逃此劫堪推胸長官遇事善摘抉茲事卻忍稱盲聾行當一一伏冥法神威正直兼明聰

論印絕句十二首同松霽夫子作

斗檢封形節璽沿代深莫觀字蜿蜒冶銅刊玉多私記不信猶居秦氏前周之節璽漢之斗檢封皆官印衛宏云秦以前民皆佩印金玉從好則私印亦由來舊矣繆篆精分大小痕相斯史籀藝專門敢噬刻棘雕蟲技古意還憑鐵筆存

出土瓊瑤色射眸爭看小印馬卿留摩挲欲作囊中祕可惜烏銀少一流余於江右見舊司馬相如小玉印玉色微黝真漢時物惜無力購之

章摹漢壽古堪珍響揚賞當葉葉新勝佩黃神越章字入山百步虎狼馴秦中石刻畫竹上摹漢壽亭侯印相傳關忠義所繪縣之祥邪

兩浙輶軒續錄 卷二十七

鍾大源

五

上四十一

六印曾聞海嶽誇背形兩已不天斜維摩詰畫閒來展火正何年玉重割米元章畫史云余家最上品書畫用玉印六枚章印米芾氏以上六枚白字以此印者皆絕品近余偶閱石丞山水卷見有火正後人陽文印又在六印之外佳凍桃皮色淺紅庚庚橫理截肪同待鑄鐘鼎離奇字誰是錢唐薛尚功余師程雲巖蓄印石最富尤愛凍石曾語余云吾所購石常令如薛用敬者刻作鐘鼎篆爲佳三橋名較雪漁高玉筍神餘秋兔豪後輩許容程程程皆絕妙幾如刻髓用蘆刀秦田水月語原精隱卻青藤舊姓名尤愛和州文學博楚騷一語似天成徐文長有秦田水月四字印隱其姓名文休承有印曰肇錫余以嘉名尤爲巧合成句彫鏤巧不停半閒作備舊會詒何人更悟詩中畫幻出乾坤一草亭印刻成語開始於賈似道余見友人一印章暗藏少陵詩句巧而近於朋友人艾碧砂紅色色殊勿論象齒與犀株晁克一王球姜夔趙孟

類當時譜可有圓勻徑寸珠新安汪氏收藏古今官私印甚多刻有飛鴻堂印譜錦囊印林

諸種并於巨球上鐫作篆文以補諸品所未備

半似規員半矩方模胡漢篆更秦章黃金斗大渾無羨奇樣

新傳古瓦當近人列私印每向秦漢古瓦當式而差小其製

陳生年少學鵠波遺蹟銅香書屋多免續印人他日傳品題

直比櫟園過書屋遺印譜同里陳寅仲詩翁誰國夫子也工篆刻有編香勁雅似子昂誰翁曾屬子昂題詞

題楊忠愍公獄中貽鄭端簡手札真蹟爲免牀文作

從古奇冤甯有此忠臣竄名邪黨死九閻杳杳叫不聞枷鎖

風香赴西市空傳遺墨出狂狷鬼護神呵留片紙使筆筆如

鐵想見先生受杖骨落墨墨有痕想見先生擲斷筋書成慷

慨欲誰寄南都主事康成裔不及漳州忠節公獄中尙有平

兩浙輟軒續錄卷二十七 鍾大源 美

字銘厥背畏吾兒書難句讀得非晉代張壯武賜物千秋欣

邇近抑或南朝桑狀元磨之欲穿穿未實傾囊不惜買之歸

匣以琉璃置懷袖游蹤萬里半天下鎮日隨身相往復雅稱

先生一枝筆鐵畫銀鉤紙背透竭來過我出相示入手鏗然

指微扣無鯉魚血凝作邊奪羊肝色滑不留迴非水瀝汾泥

澄渾訝石破秋雨逗先生寶之良復佳一稜田堪子孫搏濡

以筆公磨角尖研以墨侯磨丸皺紅絲紫玉銅雀黃一例無

能出其右何必處仲鑄如意擊缺唾壺作龍吼何必歐冶鑄

莫邪一道白虹閃晴書鐵中錚錚乃屬爾不沒泥沙傳宇宙

先生借爾署作字洪崖君名合嫌陋先生愛爾皮以室七客

寮同鐵史構先生一號鐵硯生硯得先生硯亦喜失鐵石交

誼良厚更勝君家老放翁微四心太平菴舊

兩浙輟軒續錄卷二十七 潘鴻謨 朱佩蘭

潘鴻謨字陸嘉興人著

吳展成跋略陸性吟詩不

宗一家而筆情綿遠饒有風致

弄珠樓

樓臺圖畫臨無地山水東南擅勝區葉葉漁舟歸別浦村村

煙樹接平蕪檻招黃鶴憑吹笛潭臥驪龍穩戲珠誰更沂流

清興發吳歎一曲入菰蘆

惆悵詞

游絲飛絮舞時空一段芳愁胎蕩中我惱春光春惱我欲憑

嘯鳥問東風

朱佩蘭字怡谷

家傳略公少工吟詠富著述孤芳自賞不求

聞達吟朋詩友中與吳上舍應和最稱莫逆

長安道

長安道塵如掃車輪日夜催人老消魂橋畔別離多柳條折盡無芳草天涯遊子戀名疆忽卻風光故園好

范 錯字聲山號白舫烏程

縣志錯有傳才工詩善詞留心掌故客蜀著蜀產吟寄鄂著漢口義談皆不愧作家足迹半天下荆門巫峽三湘九疑登山臨水感物懷人皆以自寫其襟抱詩古體以質健勝今體以明錄勝言所欲言而已吳興藏書錄蜀產吟感雅堂詩話白舫一代雅才嘗有吳興藏書錄蜀產吟幽華詩話等書今焦山書藏尚存印本多

臺灣三仁祠詩

壽從事 名同春浙江諸暨縣人年七十二佐臺灣淡月隨官軍進駐烏牛欄遇賊巢遇伏馬蹶被執屬賊死事聞 教建三仁祠于臺郡李義士劉烈女與焉

兩浙輶軒續錄 卷二十七

美

海風吹動妖星芒淡水境外多封狼郡丞死官丞印在丞客佐丞心激昂客年幾何七十二激厲郡民矢忠義孤城保障同巖疆此是東甯乾淨地經年苦戰賊未平客年雖老志請纓丹心白髮照天地居然海上為長城深入遇伏罵賊死自是人間好男子千秋廟食重三仁人幕之賓有如此

李義士 名高基廣東嘉應州監生林逆初亂即在彰月檄調隨軍進大里壘攻西門焚竹圍賊發礮石相距我師不克二月二十日復至牛馬莊追剿被執磔死

男兒忠義無資格李生隔海遠為客揭竿驟起眾心搖多少良民遭賊脅生慮賊眾剪滅難毀家紆難開軍墮百戰守險以待大軍至一介之士乃與諸將同心肝奉檄從軍頻殺賊慷慨捐軀終報

國海南明月海東雲如此英靈宜廟食

劉烈女 名滿姑臺灣郡丞劉亨基女丙午林逆陷彰急躍入池中水淺不死賊引之出烈女怒誓不止遂遇害

兒女有英雄閨房多節義一死謝君親正氣彌天地君不見郡丞之女劉滿姑大家淑女深閨妹海東從宦美如玉閨年十四纔有餘蟻賊來郡丞死滿姑躍墮池中水不深墮賊手取義成仁頃刻間罵賊全貞名不朽碧血滿地花斑斑閨中乃有顏常山海中童女歌神絃青鸞羽衛從雲裴

施希潤 字小愚歸安諸生著小愚詩集

下昂村田家

人家隱垂楊繫纜村童聚宗老出問客邀留過茅宇妻孥亦欣然便欲具雞黍辭之不可得相對酌卮醅殷勤話農桑知爾力作苦十年不相見衰白遽如許兒子各長成已足當門戶一生足衣食逍遙在場園歡言盡滿觴春鳩鳴過午

兩浙輶軒續錄 卷二十七

施希潤

美

題畫三首 并序

錫山女子唐素盛年不嫁鬻丹青以養其親蘇州胡太守得其花草數紙喜而詠之一時和者數十人余亦繼作

太守乘五馬言訪第二泉名泉比逸士高隱青雲邊入山覽幽響臨水鑑古顏皤皤一叟來彷彿林中仙丹青奉使君報以杖頭錢殷勤相問答嘆息聞中賢持畫歸郡間濡筆題詩篇三吳盛文史吟詠盈瑤箋

有女今不嫁矢志養其親問女胡為然門戶持無人平生一小弟天公實苦辛父老乏生產何以居長貧賴女善花草點